



詩家全體卷之六



黃岡李之用輯

弟李之問

子吟

閩縣陳薦夫同校

○七言律詩

齊梁已有此體第苦失粘難讀若良江惣詩是已初唐始追求韻義依韻和聲乃稱律焉沈宋陳張力能返淳汰靡至杜甫之律可為千載一人

芳樹

江惣

朝霞映日殊未妍珊瑚照水定非鮮千葉芙蓉詎相

言身骨 卷之六
似百枝燈花復羞然暫欲寄根對滄海大願移花側
綺錢井上桃虫誰可雜庭中桂蠹豈見憐

於塞北春日思歸

陳子良

我家吳會青山遠他鄉關塞白雲深爲許羈愁長下
淚那堪春色更傷心驚鳥屢飛恒失侶落花一去不
歸林如何此日嗟遲暮悲來還作白頭吟

大酺

杜審言

毗陵震澤九州通士女歡娛萬國同伐鼓撞鐘驚海
上新粧袷服照江東梅花落處疑殘雪柳葉開時任

好風火德雲官逢道泰天長地久屬年豐

興慶池侍宴應制

沈佺期

碧水澄潭映遠空紫雲香駕御微風漢家城闕疑天
上秦地山川似鏡中向浦迴舟萍已綠分林蔽殿槿
初紅古來徒羨橫汾曲今日宸遊聖藻雄

遙同杜員外審言過嶺

沈佺期

天長地濶嶺頭分去國離家見白雲洛浦風光何所
似崇山瘴癘不堪聞南浮漲海人何處北望衡陽鴈
幾群兩地江山萬餘里何時重謁聖明君

古意

沈佺期

盧家少婦鬱金香。海燕雙棲玳瑁梁。九月寒砧催下
葉。十年征戍憶遼陽。白狼河北音書斷。丹鳳城南秋
夜長。誰為含愁獨不見。更教明月照流黃。

奉和春初幸太平公主南莊應制 宋之問

青門路接鳳凰臺。素澹宸遊龍騎來。澗草自迎香輦
合。岩花應侍御筵開。文移北斗成天象。酒近南山作
壽杯。此日侍臣將石去。共歡明主賜金迴。

春晚紫薇省直寄內

蘇頲

直省清華接建章。向來無事日猶長。花間燕子棲鳩
鵲。竹下鸚鵡繞鳳凰。內史通宵承紫誥。中人落晚愛
紅粧。別離不慣無窮憶。莫誤卿卿學太常。

贈彭州權別駕

蘇頲

雙流脉脉錦城開。追餞年年往復迴。祇道詩謠迎半
刺。徒聞禮數揖中台。黃鶯急轉春風盡。班馬長嘶落
景催。莫愴分飛岐路別。還當奏最掖垣來。

遙同蔡起居偃松篇

張說

清都衆木總榮芬。傳道孤松最出群。名接天庭多景

詩家全書 卷之六
色氣連宮闕借氛氲懸池的的停華露偃蓋重重拂
瑞雲不惜流膏助仙鼎願將楨幹奉明君

奉和春日幸望春宮

李適

玉輦金輿天上來花園四望錦屏開輕絲半拂朱門
柳細纈全披盡閣梅舞蝶飛行飄御席鶯歌度曲繞
仙杯聖詞今日光輝滿漢主秋風莫道才

題張氏隱居

杜甫

春山無伴獨相求伐木丁丁山更幽澗道餘寒歷水
雪石門斜日到林立不貪夜識金銀氣遠害朝看麋

鹿遊乘興香然迷出處對君疑是泛虛舟

小寒食舟中作

杜甫

佳辰強飲食猶寒隱几蕭條對鷓冠春水船如天上
坐老年花似霧中看娟娟戲蝶過閒幔片片輕鷗下
急湍雲白山青萬餘里愁看直北是長安

南隣

杜甫

錦里先生烏角巾園收芋栗未全貧慣看賓客兒童
喜得食堦除鳥雀馴秋水纔深四五尺野航恰受兩
三人白沙翠竹江村暮相送柴門月色新

曲江值雨

杜甫

城上春雲覆苑牆。江亭晚色靜年芳。林花着雨胭脂濕。水荇牽風翠帶長。龍武新軍深駐輦。芙蓉別殿謾焚香。何時詔此金錢會。暫醉佳人錦瑟傍。

送韓十四江東省親

杜甫

兵戈不見老萊衣。嘆息人間萬事非。我已無家尋弟妹。君今何處訪庭闈。黃牛峽靜灘聲轉。白馬江寒樹影稀。此別應須各努力。故鄉猶恐未同歸。

吹笛

杜甫

吹笛秋山風月清。誰家巧作斷腸聲。風飄律呂相和切。月傍關山幾處明。胡騎中宵堪北走。武陵一曲想南征。故園楊柳今搖落。何得愁中却盡生。

詠懷古跡

杜甫

群山萬壑赴荆門。生長明妃尚有村。一去紫臺連朔漠。獨留青塚向黃昏。畫圖省識春風面。環珮空歸月夜魂。千歲琵琶作胡語。分明怨恨曲中論。

酬郭給事

王維

洞門高閣靄餘暉。桃李陰陰柳絮飛。禁裏踈鍾官舍

晚省中啼鳥吏人稀。晨搖玉佩趨金殿。夕奉天書拜
瑣闈。強欲從君無柰老。將因病卧解朝衣。

送楊少府貶郴州

王維

明到衡山與洞庭。若爲秋月聽猿聲。愁看北渚三湘
遠。惡說南風五兩輕。青草瘴時過夏口。白頭浪裏出
湓城。長沙不久留才子。賈誼何須吊屈平。

送李少府貶峽中王少府貶長沙高適

嗟君此別意何如。駐馬銜杯問謫居。巫峽啼猿數行
淚。衡陽歸鴈幾封書。青楓江上秋天遠。白帝城邊古

木疎。聖代即今多雨露。暫時分手莫躊躇。

暮春虢州東亭送李司馬歸扶風別廬

岑參

柳躡鶯嬌花復殷。紅亭綠酒送君還。到來函谷愁中
月。歸去磻溪夢裏山。簾前春色應須惜。世上浮名好
是閑。西望鄉關腸欲斷。對君衫袖淚痕斑。

別韋郎中

張謂

星軺計日赴岷峨。雲樹連天阻笑歌。南入洞庭隨雁
去。西過巫峽聽猿多。崢嶸洲上飛黃蝶。灩澦堆邊起

白波不醉卽中桑落酒。教人無柰別離何。

春園家宴

張謂

南園春色正相宜。少婦同行少女隨。竹裏登樓人不見。花間覓路鳥先知。櫻桃解結垂簷子。楊柳能低入戶枝。山簡醉來歌一曲。參差笑殺郢中兒。

送宮人入道

韋應物

捨寵求仙畏色衰。辭天素面立天墀。金丹擬駐千年貌。寶鏡休勻八字眉。公主與收珠翠後。君王看戴角冠時。從來宮女皆相妒。說着瑤臺總淚垂。

燕李錄事

韋應物

與君十五侍皇闈。曉拂爐烟上赤墀。花開漢苑經過處。雪下驪山沐浴時。近臣零落今猶在。仙駕飄飄不可期。此日相逢思舊日。一杯成喜亦成悲。

寄李儋元錫

韋應物

去年花裏逢君別。今日花開又一年。世事茫茫難自料。春愁黯黯獨成眠。身多疾病思田里。邑有流亡愧俸錢。聞道欲來相問訊。西樓望月幾回圓。

送李回

李頎

言家全覽 卷之六 七
知君官屬大司農。詔幸驪山職事雄。歲發金錢供御
府。晝看仙液注離宮。千巖曙雪旌門上。十月寒花輦
路中。不覩聲名與文物。自傷留滯去關東。

送濮陽錄事赴忠州

李端

成名不逐雙旌遠。空印還為一郡雄。赤葉黃花隨野
岸。青山白水映江楓。巴人夜語孤舟裏。越鳥春啼萬
壑中。聞說古書多未校。肯令才子久西東。

宿淮浦憶司空文明

李端

愁心一倍長離憂。夜思千重戀舊遊。秦地故人成遠

夢。楚天涼雨在孤舟。諸溪近海潮皆應。獨樹邊淮葉
盡流。別恨轉深何處寫。前程惟有一登樓。

秋夜寄皇甫冉鄭豐

劉方平

洛陽清夜白雲歸。城裏長河列宿稀。秋後見飛千里
鴈。月中聞搗萬家衣。長憐西雍青門道。久別東吳黃
鶴磯。借問客書何所寄。中心不啻兩鄉違。

送王尊師南歸

司空曙

烟蕪滿洞青山遠。幢節飄空紫鳳飛。金闕乍看迎日
麗。玉簫遙聽隔花微。多開石髓供調膳。時御霓裳奉

詩家全覽 卷之六
舞衣莫學遼東華表上千年始欲一回歸

訓李端校書見贈

司空曙

綠槐垂穗乳鳥飛忽憶山中獨未歸
青鏡流年看髮變白雲芳草與心違
乍逢酒客春遊慣久別林僧夜坐稀
昨日聞君到城闕莫將簪弁勝荷衣

南原望漢宮

司空曙

荒原空有漢宮名衰草茫茫雉堞平
連鴈下時秋水在行人過盡莫烟生
西陵歌吹何年別南陌登臨此日情
故事悠悠不可問寒禽野水自縱橫

秋日趨府上張大夫

司空曙

重城洞啓蕭秋烟共說羊公在鎮年
鞞鼓暗驚林葉落旌旗遙拂鴈行偏
石過橋下書曾受星降人間夢已傳
謫吏何能沐風化空將歌頌拜車前

送賈校書東歸寄振上人

李益

北風吹鴈數聲悲况指前林是別時
秋草不堪頻送遠白雲何處更相期
山隨匹馬行看暮路入寒城獨去遲
為向東州故人道江淹已擬惠休詩

鹽州過胡兒飲馬泉

李益

言多全骨 卷之六
綠揚着水草如烟。舊是胡兒飲馬泉。幾處吹笳明月夜。何人倚劍白雲天。從來凍合關山路。今日分流漢使前。莫遣行人照容鬢。恐驚憔悴入新年。

鶴雀樓

李益

鶴雀樓西百尺檣。汀洲雲樹共茫茫。漢家蕭鼓空流水。魏國山河半夕陽。事去千年猶恨速。愁來一日即爲長。風烟並起思鄉望。遠目非春亦自傷。

田家即事

權德輿

閒臥藜床對落暉。條然便覺世情非。漠漠稻花資旅食。青青荷葉製儒衣。山僧相勸期中飯。漁父同遊或夜歸。待學尚平婚嫁畢。渚烟溪月共忘機。

待漏假寐夢歸江東舊居因寄惠闍黎茅處士

權德輿

十年江浦臥郊園。閒夜分明結夢魂。舍下烟蘿通古寺。湖中雲雨到前軒。南宗長老知心法。東郭先生識化源。覺後忽聞清漏曉。又隨簪珮入君門。

荆帥

武元衡

金貂再入三公府。錦帳連封萬戶侯。簾捲青山巫峽

曉雲凝碧樹渚宮秋。鎬琨坐嘯風生苑。謝朓裁詩月滿樓。白雪調高歌不得。羨人南國翠蛾愁。

春題龍門香山寺

武元衡

衆香天上梵仙宮。鐘磬窸窣半碧空。清景乍開松嶺月。亂流長響石樓風。山河杳映春雲外。城闕參差曉樹中。欲盡出尋那可得。三千世界本無窮。

越溪村居

戴叔倫

年來爲客寄禪扉。多病貧居在翠微。黃雀數聲催柳變。清溪一路踏花歸。空林野寺經過少。落日深山伴

侶稀。負米到家春未盡。風蘿閑掃釣魚磯。

贈韓道士

戴叔倫

日暮秋風吹野花。上清歸客意無涯。桃源寂寂烟霞閉。天路悠悠星漢斜。還似世人生白髮。定知仙骨變黃芽。東城南陌頻相見。應是壺中別有家。

贈史開封

楊巨源

天低芳草誓師壇。鄧艾心知戰地寬。鼓角迥臨霜野曙。旌旗高對雪峰寒。五營向水紅塵起。一劍當風白日看。魯從伏波征絕域。磧西蕃部怯金鞍。

訓于駙馬

楊巨源

芳時碧落心應斷。今日清詞事不同。瑤草秋殘仙圃在。彩雲天遠鳳樓空。晴花煖送金羈影。涼葉寒生玉殿風。長得聞詩歡自足。會看春露濕蘭叢。公主逝而有子故云

贈張將軍

楊巨源

關西諸將揖容光。獨立營門劍有霜。知愛魯連歸海上。肯令王翦在頻陽。天晴紅幟當山滿。日暮清笳入塞長。年少功高人最羨。漢家壇樹月蒼蒼。

上巳日越中與鮑侍御泛舟若耶溪

劉長卿

蘭橈萬轉望汀沙。應接雲峰到若耶。舊浦遠來移渡口。垂楊深處有人家。永和春色千年在。曲水鄉心萬里賒。君見漁船時借問。前洲幾路入烟花。

北歸入至德州界偶逢洛陽隣家李光宰

劉長卿

生涯心事已蹉跎。舊路依然此重過。近北始知黃葉落。向南空見白雲多。炎州日日人將老。寒渚年年水自波。華髮相逢俱若是。故園秋草復如何。

賦得

劉長卿

鶯啼燕語報新年。馬邑龍堆路幾千。家住層城臨漢苑。心隨明月到胡天。機中錦字論長恨。樓上花枝笑獨眠。為問元戎竇車騎。何時返旆勒燕然。

獻淮寧軍節度李相公

劉長卿

建牙吹角不聞喧。三十登壇衆所尊。家散萬金酬士死。身留一劍答君恩。漁陽老將多回席。魯國諸生半在門。白馬翩翩春草綠。邵陵西去獵平原。

觀校獵上淮西相公

劉長卿

龍驤校獵邵陵東。野火初燒楚澤空。師事黃公千載後。身騎白馬萬人中。笳隨晚吹迎邊草。箭沒寒雲落塞鴻。三十擁旄誰不羨。周郎年少立奇功。

過賈誼宅

劉長卿

三年謫宦此棲遲。萬里惟留楚客悲。秋草獨尋人去後。寒林空見日斜時。漢文有道恩猶薄。湘水無情吊豈知。寂寂江山搖落處。憐君何事到天涯。

賦語令人不覺耳

人去日斜俱暗用

贈別嚴士元

劉長卿

春風倚棹闔閭城。水國春寒陰復晴。細雨濕衣看不見。閑花落地聽無聲。日斜江上孤帆影。草綠湖南萬里情。東道若逢相識問。青袍今已誤儒生。

送李錄事兄歸襄陽

劉長卿

十年多難與君同。幾處移家逐轉蓬。白首相逢征戰後。青春已過亂離中。行人杳杳看西月。歸馬蕭蕭向北風。漢水楚雲千萬里。天涯此別恨無窮。

贈張南史

錢起

紫泥何日到滄州。嘆向東陽沈隱侯。黛色晴峰雲外

出。穀文江水縣前流。使臣自欲論公道。才子非關厭薄遊。溪畔秋蘭雖可佩。知君不得少停舟。

三月三日義興李明府後亭泛舟

皇甫冉

江南烟景復如何。聞道新亭更可過。處處執蘭春浦綠。萋萋藉草遠山多。壺觴須就陶彭澤。風俗猶傳晉末和。更使輕桡徐轉去。微風落日水增波。

長安春望

盧綸

東風吹雨過青山。却望千門草色閑。家在夢中何日到。春來江上幾人還。川原繚繞浮雲外。宮殿參差落

言家全骨卷之六
照間誰念爲儒逢世難。獨將衰鬢客秦關。

晚次鄂州

盧綸

雲開遠見漢陽城。猶是孤帆一日程。估客晝眠知浪靜。舟人夜語覺潮生。三湘愁鬢逢秋色。萬里歸心對月明。舊業已隨征戰盡。更堪江上鼓鼙聲。

至惠中途中書事寄李儋

盧綸

亂離無處不傷情。况復看碑到古城。路繞寒山人獨去。月臨秋水鴈空驚。顏衰重喜歸鄉國。身賤多慚問姓名。今日主人還共醉。應憐世故一儒生。

酬暢當嵩山尋麻道士見寄

盧綸

聞逐樵夫閑看碁。忽逢人世是秦時。開雲種玉憐山淺。渡海傳書怪雀遲。陰洞石幢微有字。古壇松樹半無枝。煩君遠示青囊錄。願得相從一問師。

賀李觀察禱河神降雨

耿湣

質明齋祭北風微。騶馭千群擁廟扉。玉帛纔敷雲澹澹。澹筮鏞未徹。雨霏霏。路邊五稼添膏。長河上雙旌帶濕。歸若出敬亭山下。作何人敢和謝玄暉。

送友人歸南海

耿湣

遠別悠悠白髮新。江潭何處是通津。潮聲偏懼初來客。海味唯甘久住人。漠漠烟光前浦晚。青青草色定山春。汀洲更有南回鴈。亂起聯翩北向秦。

陸勝宅秋雨中探韻

張南史

同人永日自相將。深竹閑園偶辟疆。已被秋風教憶鱠。更聞寒雨動飛觴。歸心莫問三江水。旅服從沾九日霜。醉裏欲尋騎馬路。蕭條是處有垂楊。

金陵懷古

劉禹錫

王濬樓船下益州。金陵王氣黯然收。千尋鐵鎖沉江

底。一片降旗出石頭。人世幾回傷往事。山形依舊枕寒流。今逢四海為家日。故壘蕭蕭蘆荻秋。

奉送浙西李僕射赴鎮

劉禹錫

建節東行是舊遊。歡聲喜氣滿吳州。郡人重得黃丞相。童子爭迎郭細侯。詔下初辭温室樹。夢中先到景陽樓。自憐不識平津客。遙望旌旗汝水頭。

松滋渡望峽中

劉禹錫

渡頭輕雨灑寒梅。雲際溶溶雪水來。夢渚草長迷楚望。夷陵土黑有秦灰。巴人淚應猿聲落。蜀客舡從鳥

詩家全骨 卷之六 十一
道迴十二碧峰何處所。未安宮外有荒臺。

仙遊觀

韓翃

仙臺初見五城樓。風物淒淒宿雨收。山色遙連秦樹晚。砧聲近報漢宮秋。疎松影落空壇靜。細草春香小洞幽。何用別尋方外去。人間亦自有丹丘。

送劉評事赴廣東使幕

韓翃

征南官屬似君稀。才子當今劉孝威。蠻府參軍趨傳舍。交州刺史拜行衣。前臨漲海無人過。却望衡陽少鴈飛。爲報蒼梧雲影道。明年早送客帆歸。

送李少府入蜀

韓翃

行行獨出故關遲。南望千山無盡期。見舞巴童應暫笑。聞歌蜀道又堪悲。孤城晚閉清江上。疋馬寒嘶白露時。別後此心君自見。山中何事不相思。

早秋京口旅泊贈張侍御

李嘉祐

移家避寇逐行舟。厭見南徐江水流。吳地征徭非舊日。稜陵凋弊不勝秋。千家閉戶無砧杵。七夕何人望斗牛。只有同時騃馬客。偏題尺牘問窮愁。

送宋中舍遊江東

李嘉祐

孤城郭外送王孫。越水吳洲共爾論。野寺山邊斜有徑。漁家竹裏半開門。青楓獨映搖前浦。白鷺閑飛過遠村。若到西陵征戰處。不看秋草自傷魂。

題遊仙閣息公廟

李嘉祐

仙冠輕舉竟何之。薜荔緣堦竹映祠。甲子不知風御日。朝昏惟見雨來時。霓旌翠蓋終難遇。流水青山空所思。逐客自憐雙鬢改。焚香多負白雲期。

公子行

于鵠

少年初拜太長秋。半醉垂鞭見列侯。馬上抱鷄三市

鬪。袖中携劍五陵遊。玉蕭金管迎歸院。錦袖紅妝擁上樓。東向苑中新買宅。碧波春水入門流。

公子行

張祐

玉堂前後畫簾垂。立却花驄待出時。紅粉美人擎酒勸。錦衣年少臂鷹隨。輕將玉杖敲花片。旋把金鞭約柳絲。晴日獨遊三五騎。等閑行傍曲江池。

早秋寄題天竺靈隱寺

賈島

峰前峰後寺新秋。絕頂高窓見沃州。人在定中聞蟋蟀。鶴曾棲處掛獼猴。山鐘夜度空江水。汀月寒生古

詩家全書 卷之六
石樓。心憶懸帆身未遂。謝公此地昔曾遊。

寒食內宴

張籍

城闕沉沉向曉寒。恩當冷節賜餘歡。瑞煙入處開三殿。香雨微時引百官。寶樹樓前分綉幕。綵花廊下映朱闌。宮筵戲樂年年別。已得三回對御看。

寄蘇州白二十二使君

張籍

三朝出入紫微臣。頭白金章未在身。登第早年同座主。題書今日異州人。閭門柳色烟中遠。茂苑鶯聲雨後新。此處吟詩向山寺。知君忘却曲江春。

贈錢起秋夜宿靈臺寺見寄

卽士元

石林精舍虎溪東。夜扣禪扉謁遠公。月在上方諸品靜。心持半偈萬緣空。蒼苔古道行應遍。落木寒泉聽不窮。更憶雙峰最高頂。此心期與故人同。

奉和庫部盧四兄曹長元日朝回 韓愈

天仗宵嚴建羽旄。春雲送色曉雞號。金爐香動螭頭暗。玉佩聲來雉尾高。戎服上趨承北極。儒冠列侍映東曹。太平時節身難遇。郎署何須笑二毛。

登柳州城樓寄漳汀連封四州刺史

城上高樓接大荒。海天秋思正茫茫。驚風亂颭芙蓉水。密雨斜侵薜荔牆。頽樹重遮千里目。江流曲似九迴腸。共來百越文身地。猶自音書滯一鄉。

柳宗元

別舍弟宗一

柳宗元

零落殘魂倍黯然。雙垂別淚越江邊。一身去國六千里。萬死投荒十二年。桂嶺瘴來雲似墨。洞庭春盡水如天。欲知此後相思夢。長在荆門郢樹烟。

張芬見訪郊居作

皇甫曾

林中雨散早涼生。已有迎秋促織聲。三徑荒蕪羞對客。十年衰老愧稱兄。愁心自惜江蘿晚。世事方看木槿榮。君若罷官携手去。尋山莫計白雲程。

鴛鴦

崔珏

翠鬣紅衣舞夕暉。水禽情似此禽稀。顰分煙島猶回首。只度寒塘亦共飛。映霧盡迷朱殿瓦。逐梭齊上玉人機。采蓮無限蘭橈女。笑指中流羨爾歸。

題同官李明府書舍

崔峒

訟堂寂寂對烟霞。五柳門前聚晚鴉。流水聲中視公

言家全骨 卷之六
事寒山影裏見人家。觀風共羨新爲政。計日還應更
觸邪。可惜陶潛無限興。不逢籬菊正開花。

寄上韋蘇州兼呈吳縣李明府

崔峒

數年湖上謝浮名。竹杖紗巾遂稱情。雲外有時逢寺
宿。日西無事傍江行。陶潛縣裏看花發。庾亮樓中對
月明。誰念獻書來萬里。君王深在九重城。

過繡嶺宮

崔塗

古殿春殘綠野陰。上皇曾此駐泥金。三城帳屬昇平
夢。一曲鈴關帳望心。苑路暗迷香輦絕。繚垣秋斷草
煙深。前朝舊物東流在。猶爲年年下翠岑。

獻王樞密

王建

先朝行坐鎮相隨。今上春宮見長時。脫下御衣親賜
着。進來龍馬每教騎。長承密旨歸家少。獨奏邊機出
殿遲。不是大家頻向說。九重爭得外人知。

者王守澄有宗人之分。因過飲相戲守澄深憾曰吾弟所作宮詞禁掖深邃何以知之。欲推劾奏建因賦此篇以解之。其事遂寢。

早春五門西望

王建

百官朝下五門西。塵起春風滿御堤。黃帕蓋鞍呈過

馬紅羅纏頸。闔田雞。館松枝重。墻頭出。渠柳條長。水面齊。惟有教坊南草色。古城陰處冷淒淒。

秋宿湘江遇雨

譚用之

江上陰雲鎖夢魂。江邊深夜舞鎗琨。秋風萬里芙蓉國。暮雨千家薜荔村。鄉思不堪悲橘柚。旅遊誰肯重王孫。漁人相見不相問。長笛一聲歸島門。

彭門用兵後經汴路

吳融

長亭一望一徘徊。千里關河百戰來。細柳舊營猶鎖月。初連新塚已封苔。霜飛綠野愁無際。燒接黃雲慘不開。若比江南更牢落。子山詞賦莫興哀。

廢宅

吳融

風飄碧瓦雨摧垣。却有鄰人爲鎖門。幾樹好花閒白晝。滿庭芳草易黃昏。放魚池涸蛙爭鬧。栖燕梁空雀自喧。不獨淒涼眼前事。咸陽一火便成原。

入塞曲

沈彬

欲爲皇王服遠戎。萬人金甲鼓鞶中。陣雲黯塞三邊黑。兵血愁天一片紅。半夜翻營旗攪月。深秋防戍劍磨風。謗書未及明君藝。卧骨將軍已歿功。

又

沈彬

苦戰沙間卧箭痕。戍樓閒上望星文。生希國澤分偏將。死奪河源答聖君。鴛鴦敗兵眠白草。馬驚邊鬼哭陰雲。功多地遠無人紀。漢閣笙歌日又曛。

送友人出塞

姚鵠

帝城春色著寒梅。去恨離懷醉不開。相別欲將何計免。此行應又隔年回。入河殘日離西盡。卷雪驚蓬馬上来。有志莫忘清塞學。衆傳君負佐王才。

寄遠

劉滄

西園楊柳暗驚秋。寶瑟朱絃結遠愁。霜落鴈聲來紫塞。月明人夢在青樓。蕙心迢迢湘雲暮。蘭思縈迴楚水流。錦字織成添別恨。關河萬里路悠悠。

經麻姑山

劉滄

麻姑此地煉神丹。寂寞烟霞古竈殘。一自仙娥歸碧落。幾年春雨洗紅蘭。帆飛震澤秋江遠。雨過陵陽晚樹寒。山頂白雲千萬片。時聞鸞鶴下仙壇。

題馬太尉葦山莊

劉滄

別開池館背山陰。近得幽竒物外心。竹色拂雲連岳

言家全骨 卷之六
寺泉聲帶雨出溪林。一庭楊柳春光暮。三徑烟蘿晚
翠深。自是功成閒劍履。西齋長卧對瑤琴。

秋夕山齋即事

劉滄

衡門無事閉蒼苔。籬下蕭疎野菊開。半夜秋風江色
動。滿山寒葉雨聲來。鴈飛閑塞霜初落。書寄鄉山客
未迴。獨坐高窓此時節。一彈瑤瑟自成哀。

送元叔上人歸上黨

劉滄

太行閑路戰塵收。白日思鄉別沃洲。薄暮焚香臨野
燒。清晨漱齒涉寒流。溪邊殘壘空雲木。山上孤城對

驛樓。此去寂寥尋舊跡。蒼苔滿徑竹齋秋。

樂遊原春望

李頻

五陵佳氣晚氤氳。霸業雄圖勢自分。秦地山河連紫
塞。漢家宮殿入青雲。未央樹色春中見。長樂鐘聲月
下聞。無那楊花起愁思。滿天飄落雪紛紛。

湘中送友人

李頻

中流欲暮見湘烟。岫葦無窮接楚天。去鴈遠衝雲夢
雪。離人獨上洞庭船。風波盡日依山轉。星漢通宵向
水縣。零落梅花過殘臘。故園歸去又新年。

春望

李群玉

清明別後雨晴時。極浦空顰一望眉。湖畔春山烟點點。雲中遠樹黑離離。依微水戍聞鼙鼓。掩映沙村見酒旗。風暖草長愁自醉。行吟無處寄相思。

黃陵廟

李群玉

小姑洲北浦雲邊。二女明粧共儼然。野廟向江春寂寂。古碑無字草芊芊。東風近墓吹芳芷。落日深山哭杜鵑。猶似含顰望巡狩。九疑如黛隔湘川。

憶夜直金鑾奉詔

李紳

月當銀漢玉繩低。深聽蕭韶碧落齊。門壓紫垣高綺樹。閣連青瑣近丹梯。墨宣外渥催飛詔。草定新恩促換題。明日獨歸花路遠。可堪人世隔雲霓。

夏夜宿表兄宅話舊

竇叔向

夜合花開香滿庭。夜深微雨醉初醒。遠書珍重何曾達。舊事淒涼不可聽。去日兒童皆長大。昔年親友半凋零。明朝又是孤舟別。愁見河橋酒幔青。

富平侯少年

李商隱

七國三邊未到憂。十三新襲富平侯。不收金彈拋林

詩家全書 卷之六
外却惜銀牀在井頭。綵樹轉燈珠錯落。繡檀回枕玉
雕鏤。當關莫報侵晨客。新得佳人字莫愁。

碧城

李商隱

碧城十二曲闌干。犀辟塵埃玉辟寒。閨苑有書多附
鶴。女牆無樹不棲鸞。星沉海底當窓見。雨過河源隔
坐看。若是曉星明又定。一生長對水晶盤。

隋宮

李商隱

紫泉宮殿鎖烟霞。欲取蕪城作帝家。玉璽不緣歸日
角。錦帆應是到天涯。于今腐草無螢火。終古垂楊有

幕鴉。地下若逢陳后主。豈應重問後庭花。

馬嵬

李商隱

海外徒聞更九州。他生未卜此生休。空聞虎旅鳴宵
柝。無復鷄人報曉籌。此日六軍同駐馬。當時七夕笑
牽牛。如何四紀為天子。不及盧家有莫愁。

錦瑟

李商隱

錦瑟無端五十絃。一絃一柱思華年。莊生曉夢迷蝴蝶。
望帝春心託杜鵑。滄海月明珠有淚。藍田日暖玉
生烟。此情可待成追憶。祇是當時已惘然。

言家全骨卷之六
春晚岳陽言懷

崔魯

烟花零落過清明。異國光陰老客情。雲夢夕陽愁裏色。洞庭春浪坐來聲。天涯一與舊山別。江上幾看芳草生。獨倚闌干意難寫。暮笳鳴咽起孤城。

龍池

盧懷慎

代邸東南龍躍泉。清漪碧浪遠浮天。樓臺影就波中出。日月光疑鏡裏懸。鴈沼回流成舜海。龜書薦祉應堯年。大川既濟慙爲楫。報德空思奉細涓。

河中鶴鵲樓

張喬

高樓懷古動悲訶。鶴雀今無野雀過。樹隔五陵秋色早。水連三晉夕陽多。漁人遺火成寒燒。牧笛吹風起夜波。十載重來值搖落。天涯歸計欲如何。

贈羽林將軍

李郢

虬鬚憔悴羽林郎。曾入甘泉侍武皇。雕沒夜雲知御苑。馬隨仙仗識天香。五湖歸去孤舟月。六國平來兩鬢霜。唯有桓伊江上笛。臥吹三弄送殘陽。

江亭春霽

李郢

江籬漠漠荇田田。江上雲亭霽景鮮。蜀客帆樯背歸

詩家全書卷之六
燕楚山花木怨啼鶻。春風掩映千門柳。曉色淒涼萬井烟。金磬泠泠水南寺。上方僧室翠微連。

凌敲臺

許渾

宋祖凌敲樂未回。三千歌舞宿層臺。湘潭雲盡暮山出。巴蜀雪消春水來。行殿有基荒薺合。寢園無主野棠開。百年便作萬年計。岩畔古牌空綠苔。

臥疾

許渾

寒窓燈盡月斜輝。珮馬朝天獨掩扉。清露已凋秦塞柳。白雲空長越山薇。病中送客難為別。夢裏還家不
當歸。唯有寄書書未得。卧聞燕鴈向南飛。

回中作

温庭筠

莽莽雲空遠。色愁鳴鳴戍角上。高樓吳姬怨。思吹雙管。燕客悲。訶動五侯千里關。山邊草暮一星烽火朔雲秋。夜來霜重西風起。隴水無聲咽不流。

過陳琳墓

温庭筠

曾於青史見遺文。今日飄零過古墳。詞客有靈應識我。霸才無主始憐君。石麟埋沒藏秋草。銅雀荒涼對暮雲。莫怪臨風倍惆悵。欲將書劍學從軍。

長安晚秋

雲物淒涼拂曙流，漢家宮闕動高秋。
殘星幾點鴈橫，塞長笛一聲人倚樓。
紫艷半開籬菊靜，紅衣落盡渚蓮愁。
鱸魚正美不歸去，空戴南冠學楚囚。

趙嘏

長安月夜與友人話故山

趙嘏

宅邊秋水浸苔磯，日日持竿去不歸。
楊柳風多潮未落，蒹葭霜在鴈初飛。
重嘶匹馬吟紅葉，却聽疎鐘憶翠微。
今夜秦城滿樓月，故人相見一沾衣。

發剡中

趙嘏

正懷何謝俯長流，更覽餘封識嵎州。
樹色老依官舍晚，溪聲涼傍客衣秋。
南岩氣爽橫郭郭，天姥雲晴拂寺樓。
日暮不堪還上馬，蓼花風起路悠悠。

長安道中早行

張泌

客離孤館一燈殘，半落星河欲曙天。
鷄唱未沉函谷月，鴈聲新度灞陵烟。
浮生已悟莊周夢，壯志仍輸祖逖鞭。
何事悠悠策羸馬，此中辛苦過流年。

晚次湘源縣

張泌

煙郭遙聞向晚雞，水平舟靜浪聲齊。
高林帶雨楊梅

熟曲岸籠雲謝豹啼二女廟荒汀樹老九疑山碧楚
天低湘南自古多離怨莫動哀吟易慘悽

晚秋過洞庭

張泌

征帆高掛酒初酣暮景離情兩不堪千里晚霞雲夢
北一洲霜橘洞庭南溪風送雨過秋寺礪石驚泉落
夜潭莫把羈魂吊湘魄九疑愁絕鎖煙嵐

和王昭符進士贈洞庭趙先生

高駢

為愛君山景最靈角冠秋禮一壇星藥將雞犬雲間
試琴許魚龍月下聽自要乘風隨羽客誰同種玉驗

仙經煙霞寂寞無人到唯有漁翁過洞庭

鷓鴣

鄭谷

暖戲平蕪錦翼齊品流應得近山鷄雨昏青草湖邊
過花落黃陵廟裏啼遊子乍聞征袖濕佳人絕唱翠
眉低相呼相喚湘江曲苦竹叢深春日西

少華甘露寺

鄭谷

石門蘿逕與天隣雨檜風篁遠近聞飲澗鹿喧雙派
水上樓僧踏一梯雲孤煙暮薄關城沒遠色初晴渭
曲分長欲燃燈來此宿北林後鶴舊同群

題茅山李尊師山居

秦系

天師百歲少如童不到山中竟不逢
洗藥每臨新瀑水步虛時上最高峯
籬間五月留殘雪石上千年蔭怪松
此去人寰今遠近回看雲壑一重重

山行

項斯

青櫪林深亦有人一渠流水數家分
山當午日回峰影草帶泥痕過鹿群
蒸茗氣從茅舍出縹絲聲隔竹籬
聞行逢賣藥歸來客不惜相隨入洞雲

送宮人入道

項斯

願隨仙女董雙成王母前頭結伴行
初戴玉冠多悞拜欲辭金殿別稱名
將敲碧落新齋磬却進昭陽舊賜箏
旦暮焚香遶壇上步虛猶作按詞聲

津亭

胡宿

津亭欵闕戒棠舟五兩風來不暫留
西北浮雲連魏闕東南初日滿秦樓
層城湫湫人傷別芳草淒淒客倦遊
平樂舊歡收不得更憑飛夢到瀛洲

寄昭潭王中立

胡宿

高絃一弄武陵深六幘天空萬里心
吳苑詞驪成久

言家全譜 卷之六
別楚峰回鴈好歸音十千美酒花期隔三百枯棋奕
思沉莫上孤城頻送目浮雲西北是家林

遇東吳生

韋莊

十年身事各如萍白首相逢淚滿襟老去不知花有
態亂來惟覺酒多情貧疑陋巷春偏少貴想豪家月
最明且對一樽開口笑未衰應見泰階平

柳谷道中作却寄

韋莊

馬前紅葉正紛紛馬上離情欲斷魂曉發獨辭殘月
店暮程遙宿隔雲村心如岳色留秦地夢逐河聲出

禹門莫怪苦吟鞭拂地有誰傾蓋待王孫

憶昔

韋莊

昔年曾向五陵遊午夜清歌月滿樓銀燭樹前長似
晝露桃花下不知秋西園公子名無忌南國佳人字
莫愁今日亂離俱是夢夕陽唯見水東流

禁直

韓偓

星斗踈明禁漏殘紫泥封後獨凭欄露和玉屑金盤
冷月射珠光貝闕寒天襯樓臺籠苑外風吹絃管下
雲端長卿只爲長門賦未識君臣際會難

言家金骨 卷之六
春盡

韓偓

惜春連日醉昏昏
醒後衣裳見酒痕
細水浮花歸別澗
斷雲含雨入孤村
人閑易得芳時恨
地迥難招自古冤
慚愧流鶯相厚意
清晨猶為到西園

宣州開元寺水閣

杜牧

六朝文物草連空
天澹雲閒今古同
鳥去鳥來山色裡
人歌人笑水聲中
深秋簾幕千家雨
落日樓臺一笛風
惆悵無因見范蠡
參差烟樹五湖東

寄題甘露寺北軒

杜牧

曾上蓬萊宮裏行
北軒闌檻最留情
孤高堪弄桓伊笛
縹緲宜聞子晉笙
天接海門秋水色
煙籠隋苑暮鐘聲
他年會着荷衣去
不向山僧道姓名

早鴈

杜牧

金河秋半虜弦開
雲際驚飛四散哀
仙掌月明孤影過
長門燈暗數聲來
須知胡騎紛紛在
豈逐秋風一一回
莫厭瀟湘少人處
水多菰米岸莓苔

九日齊山登高

杜牧

江涵秋影鴈初飛
與客携壺上翠微
塵世難逢開口

笑菊花須插滿頭歸但將醕酌酬佳節不用登臨怨
落暉古往今來只如此牛山何必淚沾衣

和樂天早春見寄

元稹

雨香雲淡覺微和誰送春聲入棹歌
萱近北堂穿土早柳偏東面受風多
湖添水色銷殘雪江送潮頭湧
漫波同受新年不同賞無由縮地歎如何

送貞實上人歸杭州天竺寺

姚合

石橋寺裏寂清涼聞說茅庵寄上方
林外猿聲連院磬月中湖色到禪床
他生念我身何在此世唯師性

亦忘九陌相逢千里別青山重疊樹蒼蒼

送別友人

姚合

獨向山中覓紫芝山人勾引住多時
摘花浸酒春愁盡燒竹煎茶夜卧遲
泉落林梢多碎滴松生石底足
傍枝明朝却欲歸城市問我來時總不知

送源中丞使新羅

姚合

丹墀召對使殊方官重霜臺紫綬光
玉節在船清海怪金函開詔拜夷王
雲晴漸覺山川異風便那知道
路長誰得似君將雨露海東萬里洒扶桑

詩家全覽 卷之六
所思

羅隱

西指青雲未有期東歸滄海一何遲
酒闌夢覺不稱意花落月明空所思
長恐病侵多事日可堪貧過少年時
鬪鷄走馬五陵道惆悵輸他輕薄兒

郎事

羅隱

抵鵲山前寄掩扉便甘終老脫朝衣
曉窺青鏡千山入暮倚長松獨鶴歸
雲裏引來泉脉細雨中移得藥苗肥
何須一筋鱸魚膾始掛孤帆問釣磯

三年冬大禮

曹唐

海日西飛度禁林太清宮殿月沉沉
不開北斗傾堯酒空覺南薰入舜琴
訶壓鈞天聞夢盡詔歸秋水道情深
雪風更起古杉葉時送步虛清磬音

張碩重寄杜蘭香

曹唐

碧落香銷蘭露秋星河無夢夜悠悠
靈妃不降三清駕仙鶴空成萬古愁
皓月隔花追歎別飛烟籠樹省淹留
人間何事堪惆悵海色西風十二樓

萼綠華將歸九疑留別許真人

曹唐

九點秋烟黛色空綠華歸思頗無窮
每悲馭鶴身難

住長恨臨霞語未終河影暗吹雲夢月花聲閒落洞
庭風藍絲玉勒金條脫留與人間許侍中

獨不見

胡曾

王關一自有氛埃年少從軍竟未回門外塵凝張樂
榭水邊香滅按歌臺
殘夜月人何處簾捲春風燕
復來萬里寂寥音信絕寸心爭忍不成灰

秋日留別義初上人

羅鄴

寒寺窮秋別遠師西風一鴈倍傷悲每嗟塵世長多
事重到禪齋是幾時
霜嶺自添紅葉恨月溪休和碧

雲詞關河迴首便千里飛錫南歸詎可知

征人

羅鄴

青樓一別戍金微力盡秋來破虜圍錦字莫辭連夜
織塞鴻長是到春歸
正憐漢月當空照不柰胡沙滿
眼飛唯有夢魂南去日故鄉山水路依稀

晚春尋桃源觀

皎然

武陵何處訪仙鄉古觀雲根路已荒
細草擁壇人跡絕
落花沉澗水流香山深有雨寒猶在
松老無風韻亦長全覺此身離俗境
玄機亦可照迷方

張舍人南溪別業

法振

新田繞屋半春耕
藜杖閒門引客行
山翠自成微雨色
溪花不隱亂泉聲
漁家遣到堪留興
公府懸知欲厭名
入夜更宜明月滿
雙童喚出解吹笙

東亭茶燕

鮑君微

閒朝向曉出簾櫳
茗燕東亭四望通
遠眺城池山色裏
俯聆絃管水聲中
幽篁引沼新抽翠
芳槿低簷欲吐紅
坐久此中無限興
更憐團扇起清風

夜歸華山因寄幙府

蘇廣文

山村寥落野人稀
竹裏衡門掩翠微
溪渡夜隨明月入
亭臯春伴白雲飛
稽康懶慢仍耽酒
范蠡逋逃又拂衣
汀伴數鷗閑不起
只應知我已忘機

春日山亭

牟融

醉來重整葉陽巾
搔首驚看白髮新
莫道愁多因病酒
只緣命薄不辭貧
龍魚失水難爲用
龜玉蒙塵未見珍
正是聖朝全盛日
詎知林下有閒人

中春晏遊

劉蕪

二月風光似洞天
紅英翠萼簇芳筵
楚王雲雨迷巫

峽江令文章媚蜀箋歌黛又顰春岫歛舞衣新綉曉
霞鮮酒闌香冷初分散笑指漁翁釣暮烟

晴詩

雍陶

晚虹斜日塞天昏一半山川帶雨痕新水亂侵青草
路殘烟猶傍綠楊村胡人羊馬休南牧漢將旌旗在
北門行子喜聞無戰伐閒看遊騎獵秋原

寒食

來鵬

獨把一杯山館中每驚時節恨飄蓬侵堦草色連朝
雨滿地梨花昨夜風蜀魄啼來春寂寞楚魂吟去月

朦朧分明記得還家夢徐孺宅前湖水東

聽話叢臺

李遠

有客新從趙地回自言曾上古叢臺雲遮襄國天邊
去樹繞漳河地裏來絃管變成山鳥哢綺羅留作野
花開金輿玉輦無行跡風雨惟知長綠苔

南海旅次

曹松

憶歸休上越王臺歸思臨高不易裁爲客正當無鴈
處故園誰道有書來城頭早角吹霜盡郭外殘潮帶
月迴心似百花開未得年年爭發被春催

題鴈塔

許玟

寶輪金地壓人寰，獨坐蒼冥啓玉關。
北嶺風煙開魏闕，南軒氣象鎖商山。
灞陵車馬垂楊裏，京國城池落日間。
暫放塵心遊物外，六街鐘鼓又催還。

送葉秀才

王初

快騎琤瓏刻玉羈，河梁返照上征衣。
層冰春近蟠龍起，九澤雲閑獨鶴飛。
行想北山清夢斷，重遊西洛故人稀。
漢廷狗監深知已，有日前驅負弩歸。

送李司直歸浙東慕兼寄鮑參軍持節大夫初

拜東平郡王

朱灣

翩翩書記早曾聞，三十年来願見君。
今日相逢悲白髮，同時幾許在青雲。
人從北固山邊去，水到西陵渡口分。
會作王門曳裾客，為余前謝鮑參軍。

尋隱者韋九於東溪草堂

朱灣

尋得桃源訪隱淪，漸來深處漸無塵。
初行竹裏惟通馬，直到花間始見人。
四面雲山誰是主，數家烟火自為鄰。
路傍樵客何須問，朝市如今不是秦。

同達奚宰遊寶子明仙壇

朱灣

松檜陰深一逕微中峰石室到人稀仙官不住青山
在故老相傳白日飛華表問我何歲木片雲留着去
時衣今朝茂宰尋真處斲駐雙鳧且莫歸

平陵寓居再逢寒食

朱灣

幾迴江上泣途窮每遇良辰嘆轉蓬火燧知從新節
變灰心還與故人同莫聽黃鳥啼愁處自有花開久
客中貧病固應無好事但將懷抱醉春風

和趙相公登鶴雀樓

殷堯藩

危樓高架泐寥天上相閑登立綵旃樹色到京三百

里河流歸漢幾千年晴峰聳日當周道秋穀垂花滿
舜田雲路何人見高志最看西面赤闌前

冬送鑒供奉歸蜀寧親

靈徹

林間出定戀庭闈聖主恩深暫許歸雙樹欲辭金錫
冷四花猶向玉堦飛梁山拂漢分清境蜀雪和煙戀
翠微此去不須求彩服紫衣全勝老萊衣

懷齊已上人

曇域

鬢髯秋景兩蒼蒼靜對空齋一炷香病後身心俱寂
寞老來親友半凋傷蛾眉山色侵雲直巫峽灘聲入

夢長猶喜深交有支遁時時音信到松房

送友人下第東歸

陳羽

五陵春色泛花枝心醉花前遠別離
落第耻為關右客成名空羨里中兒
都門雨歇愁分處山店燈殘夢到時
家住洞庭多釣伴因來相賀語相思

長安臥病秋夜言懷

陳羽

九重門鎖禁城秋月過南宮
漸映樓紫陌夜深槐露滴碧空
雲淨火星流清風刻漏傳三殿
甲第歌鐘樂五侯楚客病來鄉
思苦寂寥燈下不勝愁

人日陪宣州范中丞傳正與范侍御傳真宴東

峯亭

鮑防

人日春風綻早梅謝家兄弟看花來
吳姬對酒歌千曲秦女留人酒百杯
絲柳向空輕婉轉玉山看日漸徘徊
流光易去歡難得莫厭頻頻上此臺

○仄起體此體隨興發端於文為便故古今多有之不能悉錄

秋日東郊作

皇甫冉

閒看秋水心無事卧對寒松手自栽
廬嶽高僧留偈別茅山道士寄書來
燕知社日辭巢去菊為重陽冒

雨開淺薄將何稱
獻納臨岐終日自徘徊

上裴行軍中丞

耿 漳

胡塵已滅天山外
閉閣陰陰日復曛
櫪上驂騮嘶鼓
角門前老將識風雲
旌旗四面高秋見
絲竹千家靜
夜聞莫道古來多
計策功成唯有李將軍

幽栖

元 稹

野人自愛幽栖所
近對長松遠是山
晝日望雲心不
係有時看月夜方閒
壺中天地乾坤老
夢裏身心且
暮閒遼海若思千歲鶴
且留城市會飛還

鄴都懷古

劉 滄

昔年霸業何蕭索
古木唯多鳥雀聲
芳草自生宮殿
處牧童誰識帝王城
殘春楊柳長川迥
落日蕪葭遠
水平一望青山便
惆悵西陵無主月空明

咸陽懷古

劉 滄

經過此地無窮事
一望凄然感廢興
渭水故都秦二世
咸原秋草漢諸陵
天空絕塞聞邊鴈
葉盡孤村見
夜燈風景蒼蒼多少恨
寒山半出白雲層

入泗口

李 紳

洪河一派清淮接堤草蘆花萬里秋烟樹蒼茫分楚
澤海雲明滅見揚州望深江漢連天遠思起鄉關滿
眼愁惆悵路岐惟此處夕陽西沒水東流

題睦州呂郎中郡內環溪亭

方干

為是仙才登望處風光便似武陵春閑花半落猶迷
蝶白鳥雙飛不避人樹影與餘侵枕簟荷香坐爇著
衣巾暫來此地非多日明主那容借寇恂

旅次洋州寓居郝氏林亭

方干

舉目縱橫非我有思量似在故山時鶴盤遠勢投孤

嶼蟬曳殘聲過別枝涼月照窓欹枕倦澄泉遶石泛
觴遲青雲未得平行路夢到江頭身旅羈

九日陪董內召登高

康匡圖

祝融峰下逢嘉節相對那能不愴神烟裏共尋幽磴
菊樽前俱是異鄉人遙山帶日應連越孤雁來時想
別秦自古登高盡惆悵茱萸休笑淚盈巾

○仄對起體

初唐十篇而九率用此體蓋亦有意興所至不期偶而偶者

奉和立春遊苑迎春

沈佺期

東郊暫轉迎春仗上苑初飛行慶杯風射蛟冰千片

斷氣衝魚鑰九關開林中覓草纔生蕙殿裏爭花併
是梅訝吹銜恩歸路晚棲鳥半下鳳城來

奉和人日燕大明宮恩賜采縷人勝應制

李適

朱城待鳳韶華至碧殿乘龍淑氣來寶帳金屏玉已
帖畱花學鳥勝初栽林香近接宜春苑山翠遙添獻
壽杯向夕憑高風景麗天文垂耀象昭回

中宗皇帝幸興慶池戲競渡應制 李適

拂露金輿丹旆轉凌晨黼帳碧池開南山倒影從雲

落北澗搖光瀉浪迴急舸爭標排荇度輕帆截浦觸
荷來橫汾燕鎬歡無極訝舞年年聖壽杯

興慶池侍燕應制

蘇頲

降鶴池前迴步輦棲鸞樹杪出行宮山光積翠遙疑
逼水態含青近若空直視天河垂象外俯窺京室盡
圖中皇情未使恩波極日暮樓船更起風

奉和立春遊苑迎春

韋元旦

灞涘長安恒近日殷正臘月早迎新池魚戲葉仍含
凍宮女裁花已作春向苑雲疑承翠幄入林風若起

言家全骨 卷之六 四十四 二百矣
青蘋年年斗柄東無限願挹瓊觴壽北辰

野望

杜甫

西山白雪三城戍南浦清江萬里橋海內風塵諸弟
隔天涯涕淚一身遙難將遲暮供多病未有滄埃荅
聖朝跨馬出郊時極目不堪人事日蕭條

閣夜

杜甫

歲暮陰陽催短景天涯霜雪霽寒霄五更鼓角聲悲
壯三峽星河影動搖野哭千家聞戰伐夷歌幾處起
漁樵卧龍躍馬終黃土人事音書謾寂寥

大同殿生五芝龍池上有慶雲百官共覩聖恩

便賜燕樂敢書即事

王維

欲笑周文謨燕鎬還輕漢武樂橫汾豈知玉殿生三
秀詎有銅池出五雲陌上堯尊傾北斗樓前舜樂動
南薰共歡天意同人意萬歲千秋奉聖君

送澹公歸嵩山龍潭寺葬本師

楊巨源

野烟秋水滄茫遠禪境真機去住閒雙樹爲家思舊
教千花成塔禮寒山洞宮曾向龍邊宿雲徑應從鳥
外還莫戀本師金骨地空門無處復無關

送柳使君赴袁州

劉長卿

宜陽出守新恩至京口因家始願違五柳閉門高士
去三苗按節遠人歸月明江路聞猿斷花暗山城見
吏稀惟有郡齋窓裏岫朝朝空對謝玄暉

和水部張員外宣政殿賜百官櫻桃詩

韓愈

漢家舊種光明殿炎帝還書本草經豈似蒲朝承雨
露共看傳賜出青冥香隨翠籠擎初到色映銀盤瀉
未停食罷自知無所報空然漸汗仰皇扃

江南暮春寄家

李紳

洛陽城見梅迎雪魚口橋逢雪送梅劔水寺前芳草
合鏡湖亭上野花開江鴻斷續翻雲去海燕差池拂
水回想滯心知寒食近潛聽喜鵲望歸來

和程員外春日東郊即事

包何

郎官休浣憐遲日野老歡娛為有年幾處折花驚蝶
夢數家留葉待蚕眠藤垂宛地縈珠履泉長侵堦浸
綠錢直到閉闕朝謁去鶯聲不散柳含烟

題橫水驛雙峰院松

趙嘏

詩家全書 卷之六 四十一
故園溪上雪中別野館門前雲外逢白髮漸多何事
苦清陰長在好相容迎風幾拂朝天騎帶月猶含度
嶺鐘更憶葛洪丹井畔數株臨水欲成龍

送柳縣裴明府之任蕪克宣慰

郎士元

白蘋楚水三湘晚芳草秦城二月初連鴈北飛看欲
盡孤舟南去意何如渡江野老思求瘼候館郴人憶
下車別後天涯何所寄故交唯有袖中書

尋郭道士不遇

白居易

郡中乞假來尋訪洞裏朝元去不逢看院只留雙白

鶴入門唯見一青松藥爐有火丹應伏雲碓無人水
自春欲問參同契中事未知何日得相從

送客之湖南

白居易

年年漸見南方物事事堪傷北客情山鬼趨跳惟一
足峽猿哀怨過三聲帆開青草湖中去衣濕黃梅雨
裏行別後雙魚定難覓近來潮不到湓城

慈恩寺偶題

鄭谷

往事悠悠成浩嘆浮生擾擾竟何能故山歲晚不歸
去高塔晴來獨自登林下聽經秋苑鹿溪邊掃葉夕

陽僧吟餘却起雙峯念曾看菴西瀑布水

惜花

俚詩皆裙裾脂粉之語後人號為香奩體

韓偓

皺白離情高處切膩紅愁態靜中深
跟隨片片汨流去恨蒲枝枝被雨淋
總得苔遮猶慰意若教泥汗更傷心
臨堦一盞悲春酒明日池塘是綠陰

○平對起體

起句用韻乃詩之正然詞有偶合因而成對亦其天然之妙比仄對起猶為流麗可誦

侍宴安樂公主山莊應制

李適

平陽金榜鳳凰樓沁水銀河鸚鵡洲
綵仗遙尋丹壑

裏仙輿蹙幸綠亭幽前池錦石蓮花艷
後嶺香爐桂蕊秋貴主稱觴萬年壽
還輕漢武濟汾遊

太平公主山亭侍燕

李嶠

黃金瑞榜絳河隈白玉仙輿紫禁來
碧樹青岑雲外聳朱樓畫壁水中開
龍舟下瞰鮫人室羽節高臨鳳女臺
遽惜歡娛歌吹晚揮戈更却曜靈回

送賀監歸四明應制

李白

久辭榮祿遂初衣曾向長生說息機
真訣自從茅氏得恩波應許洞庭歸
瑤臺含霧星辰滿仙嶠浮雲島

詩家全備卷之六
嶼微借問欲棲珠樹鶴何年却向帝城飛

和賈舍人早朝大明宮

岑參

雞鳴紫陌曙光寒鶯囀皇州春色闌金闕曉鍾開萬
戶玉階仙仗擁千官花迎劍佩星初落柳拂旌旗露
未乾獨有鳳凰池上客陽春一曲和皆難

送皎然上人歸山

李端

適來世上豈緣名適去人間豈爲情古寺山中幾日
到高松月下一僧行雲陰鳥道苔方合雪映龍潭水
更清法主欲歸須有說門人流淚厭浮生

寄韋司直

郎士元

聞君感嘆二毛初舊友相依萬里餘烽戍有時驚暫
定甲兵何處可安居客來吳地星霜久家在平陵音
信疎昨夜東風還入戶登山臨水復何如

登長安慈恩寺塔

盧宗回

東方曉日上翔鸞西轉蒼龍拂露盤渭水寒光搖藻
井玉峰晴色上朱闌九重宮闕參差見百二山河表
裏觀斲輟去遂悲不定一凭金界望長安

元日含元殿下立仗上門下相公
楊巨源

臨軒啟扇似雲收率土朝天極水流瑞色含春當正
殿香烟捧日在高樓三朝氣早迎恩澤萬歲聲長統
冕旒請問漢家功第一麒麟閣上識薊侯

長信宮

錢起

長信螢來一葉秋蛾眉淚盡九重幽鵲觀前明月
度芙蓉闕下絳河流鴛鴦久別難爲夢鳳管遙聞更
起愁誰分朝陽夜歌舞君王玉輦正淹留

夜宿靈臺寺寄卽士元

錢起

西日橫山含碧空東方吐月滿禪宮朝瞻雙頂青冥

上夜宿諸天色界中石潭倒映蓮花水塔院空聞松
栢風萬里故人能尚爾知君視聽我心同

謫官後卧病官舍簡賀蘭侍郎

劉長卿

青春衣繡共稱宜白首垂絲恨不遺江上幾回今夜
月鏡中無復去年時生還北闕誰相引老向南邦衆
所悲歲歲任他芳草綠長沙未有定歸期

籌筆驛

李商隱

魚鳥猶疑畏簡書風雲長爲護儲胥徒令上將揮神
筆終見降王走傳車管樂有才終不忝關張無命欲

何如他年錦里經祠廟梁甫吟成恨有餘

○領聯不對體

此為律詩之變必天動神解情景俱到乃佳雖崔李天才平生不能

一二篇其不易發如此嚴羽所稱十四字句即此然七言律無頸聯不對者俟傳雅之士

更詳之

江南曲

劉希夷

北堂紅草盛丰茸南湖碧水照芙蓉朝遊暮起金花
盡漸覺羅裳珠露濃自惜年華三五歲已嘆關山千
萬重人情一去無還日欲贈懷芳恨不逢

黃鶴樓

崔顥

昔人已乘白雲去此地空餘黃鶴樓黃鶴一去不復
返白雲千載空悠悠晴川歷歷漢陽樹芳草萋萋鸚
鵡洲日暮鄉關何處是烟波江上使人愁

鸚鵡洲

李白

鸚鵡來過吳江水江上洲傳鸚鵡名鸚鵡西飛隴山
去芳洲之樹何青青烟開蘭葉香風起岸夾桃花錦
浪生遷客此時徒極目長洲孤月向誰明

登樓望月寄鳳翔李少尹

釋清江

陌上涼風槐葉凋夕陽清露濕寒條登樓望月楚山

詩家全書 卷之六 五十一
上月到樓南山獨遙心送情人超鳳闕目隨陽鴈極
煙霄軒車不重無名客此地誰能訪寂寥

○頷聯失黏體

律詩貴流麗圓轉一聯失黏便覺
諷詠不暢然唐人大家往往有之

春日京中有懷

杜審言

今年遊寓獨遊身愁思看春不當春上林苑裏花徒
發細柳營前葉漫新公子南橋應盡興將軍西第幾
留賓寄語洛城風日道明年春色倍還人

自鞏洛舟入黃河即事寄府僚友

韋應物

夾水蒼山路向東東南山豁大河通寒樹依微遠天

外夕陽明城亂流中孤村幾歲臨伊岍一鴈初晴下
朔風爲報洛橋遊宦侶扁舟不繫與心同

送粲上人兼寄梁鎮員外

卽士元

季月還鄉獨未能林行溪宿厭層冰尺素欲傳三署
客雪山愁送五溪僧連雲朔氣橫秦苑蒲目寒烟隔
灞陵借問從來香積寺何時携手更同登

奉送杜相公益昌路作

卽士元

春半梁山正落花台衡受律向天涯南去猿聲傍雙
節西來江色遶千家風吹畫角孤城曉林映娥眉片

詩家全書 卷之六 五十二
月斜已見廟謀能喻蜀新文更喜報金華

和王員外冬夜寓直

盧綸

高步長裾錦帳即居然自是漢賢良
潘岳叙年因髮髮楊雄託諫在文章
九天韶樂飄寒月萬戶香塵裊
夜霜坐見重門儼朝騎可憐雲路好翱翔

贈闕下裴舍人

錢起

二月黃鸝飛上林春城紫禁曉陰陰
長樂鍾聲花外盡龍池柳色雨中深
陽和不散窮途恨霄漢常懸捧日心
獻賦十年猶未遇羞將白髮對華簪

春日與裴迪過新昌里訪呂逸人不遇

王維

桃源西面絕風塵柳市南頭訪隱淪
到門不敢題凡鳥看竹何須問主人
城外青山如屋裏東家流水入西隣
閉戶著書多歲月種松皆作老龍鱗

○頸聯失黏體

和太常韋主簿五郎溫泉寓目

王維

漢主離宮接露臺秦川一半夕陽開
青山盡是朱旗繞碧澗翻從玉殿來
新豐樹裏行人度小苑城邊獵

詩家全書 卷之六
騎田聞道甘泉能獻賦懸知獨有子雲才

宣政殿退朝晚出掖門

杜甫

天門日射黃金榜春殿晴曛赤羽旗宮草菲菲承委
佩爐烟細細駐遊絲雲近蓬萊常五色雪殘鳩鵲亦
多時侍臣緩步歸青瑣退食從容出每遲

西掖省郎事

岑參

西掖重雲開曙輝北山疎雨點朝衣千門柳色連青
瑣三殿花香入紫薇平明端笏陪鶴列薄暮垂鞭信
馬歸官拙自悲頭白盡不如巖下偃荆扉

招隱寺送閻判官還江州

李嘉祐

離別那逢秋氣悲東林更作上方期共知客路浮雲
外暫愛僧房墜葉時長江九派人歸少寒嶺千重鴈
度遲借問潯陽在何處每看潮落一相思

荆門道懷古

劉禹錫

南國山川舊帝畿宋臺梁館尚依稀馬嘶古樹行人
歇麥秀空城野雉飛風吹落葉填官井火入荒陵化
寶衣徒使詞臣度關府咸陽終日苦思歸

送王穎悟佐歸舟

釋靈一

詩家全書卷之六
客意天南興已闌不堪言別向仙官夢搖玉佩隨旌
節心到金華憶杏壇荒郊極望歸雲盡瘦馬長嘶落
日殘想得故山青靄裏泉聲入夜獨潺潺

○結失黏體

人日燕大明宮恩賜采縷人勝

馬懷素

萬宇千門平日開天容辰象列昭回三陽候節金爲
勝百福迎祥玉作杯就暖風光偏着柳辭寒雪影半
藏梅何幸得參詞賦職自憐終乏馬卿才

長安曉望寄程補闕

司空曙

迢遞山河擁帝京參差宮殿接雲平風吹曉漏經長
樂柳帶晴烟出禁城天淨笙歌臨路發日高車馬隔
塵行獨有淺才甘未達多漸名在魯諸生

過乘如禪師蕭居士蒿丘蘭若

王維

無着天親弟與兄蕭丘蘭若一峰晴食隨鳴磬巢鳥
下行踏空林落葉聲迸水定侵香案濕雨花應共石
床平深洞長松何所有儼然天竺古先生

夜投豐德寺謁液上人

李端

半夜中峰有磬聲偶逢樵者問山名上方月曉聞僧

語下界林疎見客行野鶴巢邊松最老毒龍潛處水
偏清愿得遠公知姓字焚香洗鉢過餘生

使往壽州淮路寄劉長卿

皇甫冉

榛草荒涼村落空驅馳卒歲亦何功兼葭曙色蒼蒼
遠蟋蟀秋聲處處同鄉路遙知淮浦外故人多在楚
雲東日夕烟霜那可道壽陽西去水無窮

○頷脛二聯俱失黏體

出塞作

李愷

居延城外獵天驕白草連天野火燒暮雲空磧時驅

馬秋日平原好射鵰護羌校尉朝乘障破虜將軍夜
度遼王靶角弓珠勒馬漢家將賜霍嫖姚

○頸結俱失黏體

登松江驛樓北望故園

劉長卿

淚盡江樓望北歸田園已陷百重圍平蕪萬里何人
去落日千山空鳥飛孤舟漾漾寒潮小極浦蒼蒼遠
樹微白鷗漁父徒相待未掃攬捨懶息機

○四聯俱失黏體此體尤不便於吟詠

使君席夜送嚴河南赴長水

岑參

嬌歌急管雜青絲銀燭金杯映翠眉使君地主能相
送河尹天明坐莫辭春城月出人皆醉野戍花深馬
去遲寄聲報爾山翁道今日河南勝昔時

○對扇體 以第一句對第三句第二句對第四句
五六以下如律尤為近體之特異者

辰州冬至日書懷

戎昱

去年長至在長安策杖曾簪獬豸冠此歲長安逢至
日下階遙想雪霜寒夢隨行伍朝天去身寄窮荒報
國難北望南郊消息斷江頭惟有淚闌干

○結六對體 此亦文勢偶合因而成對要是收拾
得住方成結語若勉強求對收拾不

住則未完排律
耳豈是結法

人日重燕大明宮恩賜綵縷人勝應制

李義府

詰旦行春上苑中憑高却下大明宮千年執象袞瀛
秦七日為人慶賞隆鐵鳳曾騫搖瑞雪銅烏細轉入
祥風此時朝野歡無筭此歲雲天樂未窮

春日幸望春宮

馬懷素

綵毼 音二郎旄也 瑯輿俯碧潯行春御氣發皇心搖風細
柳縈馳道映日輕花出禁林通野園亭開帟幕連堤

草樹狎衣簪謬參西液霑堯酒願沐南薰解舜琴

侍宴隆慶池應制

張說

靈池月滿直城隈黼帳天臨御路開東沼初暘疑吐
出南山曉翠若浮來魚龍百戲紛容與鳧鷖雙舟較
沂泗願似金堤青草馥長承瑤水白雲杯

奉和初春幸太平公主南莊應制

李嶠

主家山第接雲開天子春遊動地來羽騎參差花外
轉霓旌搖拽日邊迴還將石溜調琴曲更取峯霞入
酒杯鸞輅已辭烏鵲渚簫聲猶繞鳳凰臺

玉臺觀

杜甫

中天積翠玉臺遙上帝高居絳節朝遂有馮夷來擊
鼓始知羸女善吹簫江光隱見龜鼉窟石勢參差烏
鵲橋更有紅顏生羽翰便應黃髮老漁樵

宿府

杜甫

清秋幕府井寒梧獨宿江城蠓炬殘永夜角聲悲自
語中天月色好誰看風塵荏苒音書絕關塞蕭條行
路難已忍伶俜十年事強移棲息一枝安

秋興

杜甫

詩家全覽 卷之六 三百五
夔府孤城落日斜每依南斗望京華聽猿實下三聲
淚奉使虛隨八月槎畫省香爐違伏枕山樓粉堞隱
悲笳請看石上藤蘿月已映洲前蘆荻花

夜別韋司士

高適

高館張燈酒復清夜鍾殘月鴈歸聲只言啼鳥堪求
侶無那春風欲送行黃河曲裏沙爲岸白馬津邊柳
向城莫怨他鄉暫離別知君到處有逢迎

訓王季友題半日村別業兼呈李明府

郎士元

村映寒源日已斜烟生密竹早歸鴉長溪南路當群
岫半景東隣照數家門通小徑連芳草馬飲春泉踏
淺沙欲待主人林上月還思潘令縣中花

送裴頔侍御使蜀

錢起

柱史纔年四十強髭髯玄髮美清揚朝天綉服乘恩
貴出使星軺滿路光錦水繁花添麗藻蛾眉明月引
飛觴多才自有雲霄望計日應追鴛鷺行

送田明府歸終南別業

韓翃

故園此日多心賞窓下流泉竹外雲近館應逢沈道

詩家全覽 卷之六
士北隣自識下田君離宮樹影登山見上苑鍾聲過
雪聞相勸早移丹鳳闕不須長戀白鷗群

太保中書令軍前新樓

吳融

十二闌干壓錦城半空人語落灘聲風流近接平津
閣氣色高含細柳營盡日捲簾江草綠有時歌枕雪
峯晴不知奉詔朝天後誰此登臨看月明

奉和春初幸太平公主南莊應制 邵昇

沁園佳麗奪蓬瀛翠壁紅泉繞上京二聖忽從鸞殿
幸雙仙正下鳳樓迎花含步輦空間出樹雜帷宮盡

裏成無路乘槎窺漢渚徒知訪卜就君平

同閻伯均宿道觀有述

包何

南國佳人去不回洛陽才子更須媒綺琴白雪無情
棄羅幌清風到曉開冉冉脩篁依戶牖迢迢列宿映
樓臺縱令奔月成仙去且作行雲入夢來

醉後寄山中友人

于鵠

昨日山家春酒濃野人相勸久從容獨憶卸冠眠細
草不知誰送出深松都忘醉後逢蕪度不省歸時見
魯恭知已尚嫌身酪酊路人應恐笑龍鐘

詩家全骨 卷之六
○徹首尾俱對體

多

雖是四聯皆對要令不失起結之體乃可老杜此體比諸公較

嵩山石淙侍宴應制

沈佺期

金輿旦下綠雲衢彩殿晴臨碧澗隅
溪水泠泠逐行漏山烟片片引香爐
仙人六膳調神鼎玉女三漿捧帝壺
自惜汾陽紆道駕無如太室覽真圖

從幸香山寺應制

沈佺期

南山奕奕通丹禁北闕峨峨連翠雲
嶺上樓臺千地起城中鍾鼓四天聞
旃檀曉閣金輿度鸚鵡晴林采

眊分願以醍醐參聖酒還將祇苑當秋汾

奉和立春遊苑迎春

馬懷素

玄籥飛灰出洞房青郊迎氣肇初陽
仙輿暫下宜春苑御醴行開薦壽觴
映水輕苔猶隱綠緣堤弱柳未舒黃
唯有栽花飾簪髮恒隨聖藻狎年光

廣達樓下夜侍醮燕應制

蘇頲

東岳封迴燕洛京西墉通晚會公卿樓臺絕勝宜春苑
燈火還同不夜城正覩人間朝市樂忽聞天上管絃聲
醮來萬舞群臣醉喜戴千年聖主明

詩家全書 卷之六
奉和春日幸望春宮

李義府

東城結宇瞰千尋，北闕迴輿具四臨。
麗日祥烟承翠輦，畢煙萸弱草藉衣簪。
秦商重沓雲岩近，河渭縈紆霧壑深。
謬接鴛鸞陪賞樂，還欣魚鳥遂飛沉。

奉和春初幸太平公主南莊應制 李義府

平陽館外有仙家，沁水園中好物華。
地出東郊迴日御，城臨南斗度雲車。
風泉韻遶幽林竹，雨霰光搖雜樹花。
已慶時來千億壽，還言日暮九重賒。

奉和春日幸望春宮

鄭愔

晨蹕凌高轉翠旌，春樓望遠背朱城。
忽排花上游天苑，却坐雲邊看帝京。
百草香心初冒蝶，千林嫩葉始藏鶯。
幸同葵藿傾陽早，願比盤根應帝榮。

人日侍燕大明宮

瓊殿含光映早輪，玉鑾嚴蹕望初晨。
池開凍水仙宮麗，樹發寒花禁苑新。
佳氣徘徊籠細網，殘霞淅瀝染輕塵。
良時荷澤皆迎勝，窮谷晞陽猶未春。

奉和幸安樂公主山莊應制 宗楚客

玉樓銀榜枕嚴城，翠蓋紅旂列禁庭。
日映層岩圖畫

色風搖雜樹管絃聲水邊重閣含飛動雲裏孤峰類
削成幸覩八龍遊閬苑無勞萬里訪蓬瀛

和左司張員外自洛使入京中路先赴長安逢

立春日贈常侍御及諸公

孫逖

忽睹雲間數鴈迴更逢山上一花開河邊淑氣迎芳

草林下輕風待落梅秋憲府中高唱入春卿署裏和

歌來共言東閣招賢地自有西征作賦才

此詩間土邊下詩字連用亦欠檢點

奉和春日出苑遊矚應令

張說

禁林豔裔發青陽春望逍遙出畫堂雨洗亭臯千畝

綠風吹梅李一園香鶴飛不去隨清管魚躍翻來入

綵航睿賞歡承天保定邁文更覩日重光

喜皇甫曾侍御見過南樓玩月聯句 顏真卿

頃持憲簡推高步獨占詩流橫素波不是中情深惠

好誰能千里遠經過詩書宛似陪康樂少長還同宴

永和夜酌此時看碾玉晨趨幾日重鳴珂

季夏送鄉第韶陪黃門從叔朝謁

杜甫

令弟尚為滄水使名家莫出杜陵人比來相國兼安

蜀歸赴朝廷已入秦捨舟策馬論兵地拖玉腰金報
主身莫渡清秋吟蟋蟀早聞黃閣盡麒麟

奉和聖製從蓬萊向興慶閣道中留春雨中春

望之作

王維

渭水自縈秦塞曲黃山舊遶漢宮斜鑿輿迥出仙門
柳閣道回看上苑花雲裏帝城雙鳳闕雨中春樹萬
人家為乘陽氣行時令不是宸遊玩物華

○古律體

律詩中帶古調與拗體
不同故特表為一格

七夕

沈叔安

皎皎宵月麗秋光耿耿天津橫復長停梭且復留殘
緯拂鏡及早更新粧彩鳳齊駕初成輦鵬鵲填河已
作梁雖喜得同今夜枕還愁重空明日牀

送孔恂入洛

司馬禮

洛陽古城秋色多送君此去心如何青山欲暮惜別
淚碧草未盡傷離譌前朝冠帶掩金谷舊遊花月經
銅駝行人正苦柰分手日落遠水生微波

漁父

張志和

八月九月蘆花飛南溪老人垂釣歸秋山入簾翠滴

滴野艇倚檻雲依依却把漁竿尋小徑閑梳鶴髮對
斜暉翻嫌四皓曾多事出為儲皇定是非



